

ФЫЛЫМИ-САРАПТАМАЛЫҚ ЖУРНАЛ

КОФАМ
және
ДӘҮІР



N° 4
2004
сент



Бәкір Ә.

Парламент және заң шығарушылық процесс

Мемлекеттік биліктің бір тармағы есебінде Парламент бүгінгі күні өлемнің 150-ден астам елінде жұмыс істейді. Олардың мәртебесі мен құзыреттік деңгейі мемлекеттік құрылышқа, оны басқару нысанына, елдің тарихи және ұлттық ерекшеліктеріне байланысты. Бірақ Парламент өзінің негізгі функциясы – заң шығарушылық қызметтен айнаған емес. Бұл Парламент атаулыға тән. Өйткені Парламент табигатында заң шығаруши орган болып дүниеге келген-ді.

Парламент туралы қalam тартқан кез келген автор оның аса маңызды әрі жүйелі жұмысы – заң шығарушылыққа сокпай кеппейді. Өйткені оны негізгі функция Парламенттің қоғамды басқарудағы бірден-бір құралы, құқықтық нормаларды жасауға бағытталған ресми қызметі. Бұл мәнгілік тақырып. Ал саяси сахнаға келгеніне 10 жыл да толақоймаган, қалыптасу, жетілу үстіндегі Қазақстанның қос палатасы Парламенттің заң шығарушылық қызметін зерттеу ерекше актуальды. Сол себепті Республиканың ең жоғары өкілді органының екі шақырылымының депутаты болған кезіндегі депутаттың байқаған кейір мәселелер жөніндегі ойынызды арта салғымыз келеді.

Жалпы заң шығарушылық қызметтің құрделі процесс екені белгілі. Саяси құқықтық әдебиеттердің негізге ала отырып, бұл процесті логикалық жағынан жалғасып отыратын бірнеше кезеңге бөлуге болады. Бұған 9 жылдай депутаттық тәжірибие де көмектесті.

Бірінші кезең – заң жобасын дайындау кезеңі. Ол заң шығару бастамашыларының өз құқықтарын жузеге асыруынан басталады. Қазақстан Республикасы Конституциясының 61-бабының 1-тармағына сәйкес Парламент депутаттарына, Республика Укіметіне заң шығару бастамасы құқығы берілген. Бұған Парламентке жаңа заң жобасын ұсыну, қолданыстағы заңдарға өзгеріс енгізу немесе ондай заңдардың құшін жою туралы ұсыныс бере алу құқығы жатады. Жаңа заңдар туралы идеялардың тууы да, оның пісіп, жетілуі де құрделі процестің құрамадары. Қоғамның саяси-құқықтық, әлеуметтік-экономикалық салаларындағы аса маңызды қатынастарды құқықтық жағынан реттеудің объективті қажеттігін тану, болашақ заң жобасының тұжырымдамалық идеясын анықтау, қоғамдағы әр алуан әлеуметтік топтар мен жекелеген тұлғалардың мүдделері мен мақсаттарын есепке алу және олардың құқықтары мен бостандықтарын қорғау, т.б. мәселелер болашақ заң жобасының негізіне алынады. Бұдан кейін ғалымдар мен мамандарды, мемлекеттік және қоғамдық үйимдарды, ғылыми мекемелерді қатыстыра отырып құрылған Укіметтің арнайы комиссиясы заң жобасын дайындауды. Оның сапалы дайындалуы, дүниежүзілік стандарттаң сәйкес келуі, қазақ және орыс тілдеріндегі мәтіндерінің

дәрежесі, т.б. осы кезеңде ескертетін маңызды мәселелер. Дайындалған жоба тиісті министрліктер мен ведомстволарға, мекемелерге жіберіледі. Олар келіскеннен кейін заң жобасы Укіметке тапсылады. Кейінгі кезде құрделі заң жобалары міндетті түрде ғылыми сараптамадан өтіп, Укіметтің отырысында арнайы талқыланып жүр. Соңан соң олар Парламентке ұсынылады.

Кешегі Жоғарғы Кеңес жағдайында заң шығару бастамасы құқығының субъектілері көп болатын. 1993 жылғы Конституцияның 71-бабына сәйкес мұндағы құқық Жоғарғы Кеңес депутаттарына, Қазақстан Республикасының Президентіне, Министрлер кабинетіне, Жоғарғы Сотына және Жоғарғы Төрелік Сотына берілді. Ал 1995 жылғы Конституцияға сәйкес заң шығару бастамасы құқығының субъектілері барынша азайтылды, ол Парламент депутаттары және Укіметпен шектелді. Бұл заң жобаларын жоспарлауда, дайындауда және ұсынуда бірізділікке негіз қалады. Ол, әрине, заң жобаларының сапасына да ілгі әсер ететін фактор.

Соңғы кездері заң шығару бастамасы құқығына ие болатын субъектілер қатарын арттыру туралы әр түрлі ұсыныстар жоқ емес. Мысалы, осындай субъектілер қатарына Республика Президенті, Конституциялық Кеңес, Жоғарғы Сот жөнне Бас Прокурор ұсынылды [1]. Ал зерттеуші А.Сағындықова бұл субъектілер қатарына азаматтарды да қосады. Ол өзінің «Конституционное право Республики Казахстан» деген енбегінде байлай деп жазыпты: «Атапған құқық өзге субъектілерде, мысалы азаматтарда бар ма? Иә, бар. Конституцияның 33-бабының 1-тармағына сәйкес Қазақстан Республикасы азаматтарының мемлекеттік органдар мен жергілікті өзін-өзі басқару органдарына тікелей өзі жүгінуге, сондай-ақ, жеке және ұжымдық өтініштер жолдауға құқығы бар. «Жолдау» термині азаматтардың заң шығару органына жіберген заң жобаларын да қамтиды деп ойлаймын» [2]. Менімше, өтініштерді заң жобасымен шатастырма керек. Заң жобасы аса маңызды қоғамдық қатынастарды реттейтін ерекше құжат екенін ұмытпаған жөн.

Заң шығару процесіндегі екінші кезең – заң жобасының Парламентке түсі. Заң жобаларына қойылатын белгілі талаптар бар. Ол заң жобаларының тұжырымдамалық жағынан қолдау табуы, Конституацияға, басқа заңдарға қайшы келмеуі, заңдық техникалардың сакталуы, аударманың – қазақша мәтінінің сапасы т.б. Осы талаптарға жауап берілмесе, заң жобалары бастамашыларға кері қайтарылуы мүмкін. Ал Мәжіліс аппаратында тіркеуден өткен заң жобасы Палатаның тұракты комитеттеріне және аппараттың заң боліміне жіберіледі. Бұдан кейін Мәжіліс заң жобасының мазмұнына сай белгіленген бас комитетке оны жалпы отырыска дайындау жөнінде нақты тапсырма береді.

Аса жауапты келесі кезең – заң жобасының тұралық комитеттерде талқылануы. Мәселе тағдыры негізінен осы кезде шешіледі. Тұжырымдамалық (концептуалдық) жағынан қолдау тапқан заң жобасын қарау, ол бойынша қорытынды өзірлеуді Мәжілістің тиісті комитеттері дербес белгілейді. Бұған қажетті мерзім Палатаның тапсырмасында қөрсетіледі, ол 30 күнтізбелік күннен кем болмауға тиіс. Егер Республика Президенті заң жобасын жедел қарауды арналы жолдаумен жария етсе, онда бас комитет қорытындыны 7 күнтізбелік күннен аспайтын мерзімде өзірлеуі керек. Бұл жағдайда Мәжілістің комитеттері мен аппаратастың заң боллімі заң жобасы бойынша өз қорытындысын 3 күнтізбелік күннен аспайтын мерзімде табыс етеді. Заң жобасының мазмұнына сай белгіленген бас комитет бар жұмысты үйлестіреді, үйлемдастырады. Ол арналы жұмыс тобын құрып, оған Палата комитеттерінен депутаттарды, бастамашыларды, мемлекеттік органдар мен қоғамдық бірлестіктер, ғылыми мекемелер өкілдерін, мамандарды, шаруашылық жүргізуши субъектілер басшыларын тартады. Заң жобасына депутаттар енгізген өзгерістер мен толықтырулар жұмыс тобының отырыстарында жан-жақты талқыланып, қорытындысы бас комитетке беріледі. Ол өз кезегінде ұсыныстарды қарап, басқа комитеттердің өзгерістері мен толықтыруларын, қорытындыларын талдап, Мәжілістің жалпы отырысына ұсынады.

Заң жобасының бас комитетте қаралу мерзімдері өр түрлі болуы мүмкін. Ол кейде бірнеше айға созылады. Жұмыс процесінде заң жобасы аса күрделі өзгерістерге ұшырап, оған талай толықтырулар енгізіліп, оның сапасын арттыра түсетін жаңа баптар мен тараулар да жазылуы мүмкін. Мысалға «Жарнама туралы» Заңды алайық. Ол бір жылдан астам уақытта қабылданды. Осы кезде заң жобасы талай тағдырды бастан кешірді.

Жұмыс барысында заң жобасы жаңа тараумен (жарнама саласындағы мемлекеттік реттеу) және 4-баппен толықтырылды. Ұғымдық аппарат нормалары нактыланып, жақсартылды, «жүгіртпе жол» ұғымына анықтама берілді. Заң саяси насиҳат пен үгітке қолданылмайды деп белгіленді. Көсіпкерлік қызметті қолдау мақсатында жарнама сипатындағы хабарлар мен материалдарға мамандандырылмаған төле және радиобағдарламалардагы жарнаманың көлемі 10-20 процентке, «жүгіртпе жол» мөлшері – 5 проценттен 7,5 процентке дейін көбейтілді. Бұдан басқа, заң жобасына редакциялық сипаттағы бірқатар өзгерістер мен толықтырулар енгізілді.

Заң жобасын талқылаудағы негізгі мәселе алкоголь, темекі мен темекі өнімдерін жарнамалауға байланысты болды. Бұл өнімдерді электронды ақпарат құралдарында жарнамалауға тыйым салу жөніндегі бір топ депутаттар ұсынысы Заң жобасы иелері тарапынан қолдау таппады. Олардың тілге тиек еткендегі – алкогольді жарнамалауға тыйым салу отандық тауар өндірушілерге, электронды ақпарат құралдарының халіне кері әсер етуі мүмкін деген құдік. Нәкты мысалдар болмады.

Заң жобасы жөніндегі жұмыс тобының жетекшісі есебінде осы мәселелерді көтеріп, Үкімет басшысына депутаттық сауал салды. Тағы да он жауап ала алмадық. Соңан соң алкоголь мен темекінің өлеуметтік зияны туралы, оларды жарнамалаудан

түсетін қаржыларды есептеп, хат жазып, Республика Премьер-Министрі И.Н.Тасмағанбетовтың арналы қабылдауында болды. Не керек бір айдан кейін Үкімет ұсынысты қолдайтындығы жөнінде жауап берді. Алайда заң жобасы Сенатта қаралғанда, депутаттар алкоголь мен темекі өнімдерін жарнамалауды түгел тыю жөнінде ұсыныс жасады. Бұны Мәжіліс тә Үкімет тә қолдамады. Сол себепті келісім комиссиясы құрылып, ол он шешімге келді. Сөйтіп, 2004 жылғы 1 қантардан бастап алкоголь өнімін жарнамалаудын кез келген түріне тыйым салынатын болды. Темекі және темекі өнімдерін жарнамалау да біршама шектелді. Мәжіліске 4-сессияның басында түскен Заң жобасына бесінші сессиясының ортасында барып қол қойылды.

Төртінші кезең – заң жобасының Мәжілістегі қаралуы. Палата отырысында заң жобасы туралы бастамашы баяндама жасап, сұрақтарға жауап береді. Содан кейін бас комитеттегі осы жұмысқа жауапты депутат қосымша баяндама жасайды. Ол Палата комитеттерінің ұсыныстары мен толықтыруларын, бас комитеттің позициясын мәлімдейді. Бұдан кейін талқылау басталады. Заң жобалары комитеттерде, арналы жұмыс тобында қанша талқыланғанымен, бас комитет дайындалған салыстырма кесте бойынша, кейбір тұжырымдамалық мәселелер жөнінде Мәжілісте де пікір-талаас жалғасып жатады. Егер Заң жобасы халық қалауыларын қанағаттандырмаса, ол онан әрі қарай жұмыс жасау үшін бас комитетке болмаса Үкіметке қайтарылуы мүмкін. Ал Мәжіліс макұлданған заң жобасы Сенатқа жіберіледі.

Заң шыгарушылық процессте Сенаттың рөлі ерекше. Мәжілістен түскен заң жобалары алдымен Палатаның тұралық комитеттерінде талқыланып, соңан соң жалпы отырыста қаралады. Заң жобасының негізгі бастамашысы болатын Үкіметтің ұстанымы, мәжілісмендер енгізген өзгерістер мен толықтырулар еліміздің Конституациясына, Қазақстан қол қойған халықаралық шарттар мен келісімдерге, колданыстағы заңнамаларға қайшы келмеуін мүқият зерделеу сиякты құрдеп, сан-салалы жұмыстар атқарылады. Мұның бәрі сенаторлардан біліктілік пен білімділікті, пікір айтпақ саладағы қоғамдық қатынастардың ішкі зандылықтары мен ерекшеліктерін жете тануды қажет етеді. Өйткені ғұған дейін бұл заңдар талай зангерлердің, экономистердің, ғылыми-зерттеу институттарындағы, тиісті министрліктердегі мамандардың, қаруынан өткен Үкіметте талқыланып, Мәжілісте макұлданған.

Сенаттағы талқылаудың қорытындысы да әр түрлі болуы мүмкін. Заң жобасының қабылданып кетуі де, болмаса сенаторлар енгізген өзгерістер және толықтырулармен қайтадан Мәжіліске жіберілуі де ықтимал. Ол бұл ұсыныстарды макұлдаса қайтадан Сенатқа жібереді де, заң жобасының тағдыры шешіледі. Мәжіліс сенаторлар ұсыныстарын түгелдей қолдай қоймағанда, екі Палатаның депутаттарынан тен жағдайда келісім комиссиясы құрылып, мәселе қайта қаралады. Келісім комиссиясының шешіміне сәйкес Заң жобасының тағдыры айқындалады.

Заң шығару процесіндегі ең соңғы кезең – Парламентте қабылданған занға Президенттің қол қойып, оның баспасөзде жариялануы және заның

кушіне енүі. Қазақстан Республикасы Конституциясының 44-бабының 2-тармағына сәйкес Президент Парламент Мәжілісі макұлдап, Сенат қабылдаған занға он бес жұмыс күні ішінде қол қояды, заң халыққа жария етіледі. Заң немесе оның жекелеген баптары қарсылыққа ұшырап қайтарылып жатуы мүмкін. Бұл Президенттің заң жобасы жөніндегі ерекше құқығын білдіреді. Осы жерде бір нәрсені айта кеткен артық болмас. Әлемдік тәжірибиеде заң жобасы төменгі палатада қабылданады да, жоғары палатада макұлданады. Мұның логикалық жөні бар. Төменгі палата – халықтың тікелей өкілді органды. Оның жоғарыға қарағанда басымдылық рөлі болуға тиісті. Бізде керісінше. Бұл кезінде төменгі палатаны тежеп ұстау психологиясынан туындаған болуы керек.

Парламентте қабылданып, Президенттің құзырымен өміргे жолдама алған заның ендігі тағдыры атқарушы органдарға байланысты. Алдымен Үкімет және үекілді органдар өз құзыретіне сәйкес қабылданған заң нормаларын жүзеге асыратын құқықтық актілер қабылдайды. Міне, заның қадірін арттыратын да, керісінше, құнын түсіретін де осы тұс. Бұл заның орындалуына бағытталған нормативтік құқықтық актілердің деңгейіне байланысты болады.

Заң шығарушылық жұмыста Парламент пен Үкімет арасындағы жүйелі процесс аса маңызды. Алайда Үкімет тарапынан ұсынылған заң жобаларын қалыптастырудагы жүйесіздік, әлі созылып келеді. Осы кезге дейін «Жергілікті өзін-өзі басқару туралы» Зан жобасының Парламент қоржынына түспеуін немен түсіндіруге болады? Жалпы практикада Конституция қабылданғаннан кейін екі жылдың көлемінде мемлекеттің құрылышына байланысты зандар қабылдануға тиісті. Конституция қабылданғанына 8 жылдан асты. Сол себепті 2002 жылғы 22 ақпандың өткен Мәжілістің жалпы отырысында азын-аулақ депутаттық қызметімде байқаған кейбір мәселелер туралы ойымды білдіріп, Үкіметке заң жобасын дайындау процесін батыл жетілдіре түсідің қажеттігін айтып депутаттық сауал салды [3]. Онда заң жобаларының мемлекеттік тілдегі нұсқалары туралы да әңгіме болды. Себебі оны оқытын, жазатын, талдайтын үлттық ойлау жүйесі қалыптасқан зангер мамандар, сондай-ак, басшы қызметкерлер ия министрліктерде не Үкіметте жок, болмаса бірен-саран. Парламент те, Үкімет те тек аудармамен күнелтіп отыр. Зандастың мемлекеттік тілдегі тағдыры тек аудармашылардың қолында. Көсіби Парламент 1996 жылы саяси сахнаға келгелі бері 1000-нан астам заң қабылдады. Бірақ солардың бір де біреуін Үкімет мемлекеттік тілде ұсына алмады. Бұл ылғы да әңгіменің тақырыбы болып жүрген мәселе. Бірақ нақты әрекет жок.

Заң шығарушылық жұмысты жақсартып, оның тиімділігін арттыру бүгінгі басты мәселе. Осы макассатта Парламент пен Үкімет өкілдерінен үйлестіру орталығын құруға болар ма еді? Бұл, бір жағынан, биліктің екі тармағын жақындастыра түсіп, олардың ортақ жұмысқа ынтымактастырын арттырса, екіншіден, заң жобаларын жасаудағы маңызды мәселе – белгілі бір занды қабылдаудың қажеттілігі мен оның құқықтық салмағын ертерек айқындауға мүмкіндік туады. Бұлардың барлығы айналып кел-

генде сапасы жетілмеген, шикі заң жобаларының Парламентке ұсынылуына тосқауыл қояр еді.

Біздіңше, ең бірінші Үкіметтің – заң жобаларын жоспарлау мен дайындауды жетілдіре тускені керек. Әділет министрлігіне қарасты заң шығару институтының мөртебесін қайта қарап, оның қызметін жаңаша құрған жөн болар еді. Бұл, шын мәнінде, республикадағы заң жобаларын дайындаудың ғылыми әрі практикалық ірі орталық болуға тиісті. Заң жобаларының мемлекеттік тілдегі мәтінінің де негізгі тағдыры осындай орындарда шешілуге тиісті. Сол себепті бұл орталыққа мемлекеттік тілді жетілдірілген зангерлерді, экономистерді, қаржы саласының мамандарын, саясаткерлерді топтастырып, оларға заң шығару ісінің қыр-сырын, заң техникасын жетік мәңгерген мамандарды кеңесші ретінде косу қажет. Бұл істе күш пен қаржыны аямау керек.

Парламентте Үкіметтен тускен заң жобаларына құқықтық және лингвистикалық сараптама жасайтын құрылым қажет. Ондай құрылым заң жобаларына ғылыми талдау жасап, оларды еліміздегі құқықтық мәдениеттің талаптарымен, отандық және шетелдік заң дайында практикасымен, бүгінгі өмір шындығымен салыстырып отыrap еді. Бұл ылғы көтеріліп жүргенімен қаржы жоқтығынан шешілмей жүрген мәселе.

Заның сапалылығы көбіне-көп Парламенттегі жан-жақты талқыланумен, депутаттар корпусының күш-жігерін осы мәселеге жұмылдыра білумен айқындалады. Несін жасырайық, кейде заң қабылдауға женіл-желпі қараушылық, оны төзірек палаталар отырысынан өткізуге асығыстық болып жатады. Бұл, әсіресе, сессия аяғында түскен заң жобаларына қатысты. Қазақстан Республикасы ҰФА академигі С.Зимановтың: «Парламент, меніңше, көп заң қабылдайды. Бұл жақсы ма, әлде жаман ба? Бірқатар мемлекеттерде жылына – 50 зан, ал кейбіреуінде тіпті 20-30 зан қабылданса, біз орта есеппен жылына 150 зан қабылдаймыз», – деген пікірі сөзімізге дәлел болмақ [4].

Заң шығарушылық жұмыс – біртұтас процесс. Бұл процессте заң жобасын ұсынатын Үкіметтің, оны макұлдайтын Мәжілістің де, қабылдайтын Сенаттың да рөлдері ерекше, қызметтері маңызды. Сол себепті де бұл субъектілердің қай қайсысы да заң дайындаудың күрделі процесін үнемі жетілдіріп отырулары аса қажет. Әсіресе, палаталардың тұрақты комитеттерінің рөлін көтермей, жалпы Парламент жұмысының пәрменділігі мен тиімділігіне жету мүмкін емес. Сондай-ак заң жобаларын палаталар отырысына дайындауда ерекше орны бар арнайы құрылатын жұмыс топтарының рөлін арттыруды ойластыра түскен де артық болмас еді. Осы жұмыста әзірше формализм басым.

Парламенттік қызмет кеңістігінің негізгі тұлғасы-депутат. Оның мөртебесі, құқықтары, міндеттері мен жауапкершілігі Ата заң мен Конституациялық заңда айқындалған, депутаттардың өз қызметін жүзеге асырудагы құқықтық және әлеуметтік кепілдіктер қарастырылған. Парламенттің әрбір шакырылымында депутаттардың сапалық құрамы артып келеді. Егер 1995 жылы 116 депутаттың 13 ғылым кандидаттары мен докторлары болса, 1999 жылы бұл көрсеткіш 24 болды. Депутаттар қатарында экономист 2, зангерлер 4 есеге өсті [5]. Дегенмен депутаттардың құқықтық еркін жетілдіре түсу алда

да маңызды мәселе бола бермек. Бұл, өсіресе, депутаттардың заң шығару бағытасына қатысты. Ол депутаттардан саяси еркілікті, терең білім мен жоғары біліктілікті, мол тәжірибелі қажет етеді. Сондай-ак депутаттар өзін сайлаған халықтың қалың бұкарасының мүң-мұддесіне жауап беретін заңдар қабылдауга күшкіт болуға тиіс. Кейбір парламенттік «көпшілік» қабылдаған заңдардың халық арасында қолдау таппай жататыны жайдан жай емес.

Бұғынгі Парламенттік қызыметтің деңгейі депутаттар корпусына деген қамқорлықты қүштейте түсуді қажет етеді. Біз материалдық жағдайды ой-лап отырғанымыз жок. Ол да керек. Әңгіме халық қалауларының құнделікті жұмысына байланысты. Осыдан екі жылдай бұрын депутаттарға бір-бір көмекшіден берді. Қазір бұл тіпті жетімсіз. Сондықтан әрбір депутатқа кәсіби шеберлігі де, орындаушылық қабілеті де жоғары кеңесші мамандар керек-ақ. Онсыз депутаттық жұмыстың сапасын көтеру киын.

Парламент қабылдаған заңдар мен нормативті-құқықтық актілердің тиімділігі оның жұмысын үйімдастыра білуге де көп байланысты. Үкімет жыл сайын Парламентке ұсынатын заң жобаларының тізім-жоспарын жасайды. Осы жоспар алдын ала Парламентпен жан-жакты қаралып, халық қалауларының пікірі ескеріліп жасалса, заң шығару жұмысы жемісті болар еді.

1995 жылғы Конституцияға сәйкес Қазақстан Парламентінің мәртебесі біраз өзгерістерге ұшырап, оның бақылау функциялары азайтылды. Парламенттің тек заң шыгаруышылық функциямен шектеу, оның күшін әлсіретіп, пәрменділігін кемітіп отыр. Сол себепті де республикамыздығы ең жоғары екілді орган мемлекеттік билік жүйесіндегі өзінің табиғатынан туындағын тиісті мәртебесіне сәйкес болуы қажет. Бұл мәселелер шешілмей Парламенттің заң шыгаруышылық қызыметінің сапасында, тиімділігі де бұғынгі өскелен заман талабына сай бола алмайды.

ӘДЕБИЕТТЕР

1. Нарикбаев М.С. Парламентаризм в Казахстане: проблема становления. «Тәуелсіз Қазакстандағы парламентаризм: жай-күйі мен проблемалары». Халықаралық ғылыми-практикалық конференцияның материалы. 2001 жылғы 30 наурыз. – Астана, 2002. – 104 бет.
2. Сагиндикова А.А. Конституционное право Республики Казахстан. – Алматы: Білім – 1999. – 262 стр.
3. Стенограммы заседаний Мажилиса Парламента Республики Казахстан. 20 февраля 2000г. – Астана, – 14 – 15 стр.
4. Зиманов С. Законы и критерии их эффективности. «Тәуелсіз Қазакстандағы парламентаризм: жай-күйі мен проблемалары». Халықаралық ғылыми-практикалық конференцияның материалы. 2001 жылғы 30 наурыз. – Астана, 2002. – 18 бет.
5. Казахстан Республикасы Парламенттің хабаршысы. Арнайы басылым. Вестник Парламента РК. Специальный вестник. – Астана, 2004 жылғы маусым, – 146 бет.